



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

49. De poena violentum Ecclesiam, & reliquias S. Alexandrini martyris.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

rem illam iniustissimè retineri. Et ideo hæc cum fuissent perpessi, dixerunt: Dimitte eam & erit pax tibi. Qui furore repletus, sic dixisse fertur, siue iustè siue iniustè reddi debeat, regnante me, hanc basilicam non habebit: qui protinus diuina inlitione transitum accipiens quieuit. Adueniente autem gloriosissimo Sigiberto rege, in eius regnum ad suggestionem beati Eufronij Episcopi, hoc in domo sancti Martini restituit, quod vsque huc ab eius basilica possidetur. Audite hæc omnes potestatem habentes, sic vestite alios, vt alios non spoliatis, hoc adiungite vestris diuitijs, vt damna non inferatis Ecclesijs. Vindex est enim DEVS velociter seruorum suorum.

Eutropius lib. 17 rerum Romanarum. Niceph.

Callist. lib. 18. cap. 28. De pœna violantium

Ecclesiam & reliquias S. Alexandri martyris.

CAP. XLIX.

ANno 18. Imperij Mauritij, Chaianus cū barbaro exercitu suo Diriziperam venientes, ciuitatem depopulati sunt, & Alexandri martyris Ecclesiam incenderūt, sepulchrumque illius argenteo tecto cooperatum spoliant. Sed & iniurijs quoque martyris corpus afficiunt, multamque in Thrace prædam capientes, epulabantur splendide, contra Romanos elati. Deus autem vindictam martyris faciens Alexandri, pestilentiam langoris barbaris intulit, & in vno die septem

Ff

filios

filios Chaiani per febrem & inguinariam passionē occidit, vna cum alijs turpibus multis, ita vt post triumphale gaudium cum canticis & canticis, lamentationes & lachrymę & luctus sine consolatione possideret Barbaros.

Gregorius Turonensis Episcopus libr. de gloria Confessorum cap. 71. De Childerico, qui Episcopo Franconi villam Ecclesiasticam in quo iudicio extorsit, eiusq; diuina ultione ac delicti sui agnitione.

C A P. L.

A Quensibus est concessus inclitus Aetheta Metrias, qui à sæculo victor abscissit, sapius se in coelis degere, virtutibus manifestis ostēdens. Tempore igitur quodam, cū Franco Episcopus huius municipij Ecclesiam gubernaret, Childericus qui tunc primus apud Sigibertum regem habebatur, villam eius competit, dicens, quia iniuste ab Aquensi Ecclesia retineretur, & dicto citius conuenitur Episcopus. Datifque fideiussoribus, in præsentia regis assistit, clamans & obsecrans, vt rex ab huius causæ audientia, præsentiam suam auerteret, ne cœlesti iudicio condemnetur, addens, Scio enim virtutem Metriæ viri beati, quod velociter in peruasorem suum inrogat ultionem. Denique coniuncti auditores causam discutiūt. Insurgit Childericus atque impropere criminibus exacerbatur Episcopum, quod res fisci ditionibus